

## ՄՈՐՈՒՍ ՀԱՍՐԱԹՅԱՆ

(Մենեդժան 90-ամյակի առթիվ)

Հայագիտության երախտավորների շարքում իր արժանի տեղն ունի անվանի պատմա-  
բան-բանասեր, գիտության վաստակավոր գործիչ, Հայաստանի գիտությունների ակադեմիայի  
ժողովակից անգամ Մորուս (Մարգար) Ստեփանի Հասրաթյանը (1902—1979)։ Նա ծնվել է



Սիսիանի շրջանի Ախլաթյան գյուղում, հայրենասեր ու ավանգապահ մի ընտա-  
նի թում։ Հասրաթյանի մեծ պապը՝ Մե-  
լիք Սարուխանը, երկրամասի մեծա-  
մեծների շարքում մասնակցել էր Իս-  
րայել Օրու գլխավորած Անգեղակոթի  
1699 թ. նշանավոր ժողովին։ Միշնա-  
կարգ կրթությունը ստանալով Բաքվում,  
Հասրաթյանը վերադառնում է հայ-  
րենիք։ 1922—1924 թթ. սովորում է  
Երևանի պետական համալսարանի պատ-  
մության ֆակուլտետում, որն ավարտե-  
լուց հետո մանկավարժական ու գործ-  
նական աշխատանքներ է կատարում Հա-  
յաստանի մի շարք շրջաններում։ 1931—  
1932 թթ. ասպիրանտական ուսումնա-  
սությունը անց է կացնում Լենինգրա-  
դում, Նիկողայոս Մառի և Հովսեփ Օր-  
բելու ղեկավարությամբ։

Ասպիրանտուրան ավարտելուց հետո  
իրեն ամբողջովին նվիրում է գիտական  
աշխատանքի։ 1933 թ. Մ. Հասրաթյանը  
Երևանի Պատմության և նյութական

գիտությունների ինստիտուտի տնօրենի տեղակալ էր, 1934—1936 թթ.՝ Հայաստանի հեղափո-  
խության թանգարանի տնօրեն։

1937 թ. Մ. Հասրաթյանը նշանակվում է Մատենադարանի տնօրեն, ղգալի աշխատանք կա-  
տարում հին ձեռագրերի ձեռք բերման, պահպանման և ուսումնասիրության ուղղությամբ։ Սա-  
կայն հայ մտավորականության լավագույն շատ ներկայացուցիչների նման նա նույնպես են-  
թարկվում է 1937 թ. մոլեգնող հալածանքներին։ Նա բանտարկվում է որպես «ազգայնական»  
և 1940 թ. ազատվում է միայն ծանր հիվանդության շնորհիվ։

Մ. Հասրաթյանի գիտահետազոտական աշխատանքները 1940 թ. ընթանում էին ճաշտա-  
րապետության, հնագիտության, բանասիրության և հայ ժողովրդի հին և միջին դարերի պատ-  
մության ուսումնասիրության գծով։ 1940—1941 թթ. նա աշխատում էր պատմական հու-  
շարձանների պահպանության կոմիտեում և մասնակցում Ավանի VI դարի նշանավոր տաճա-  
րի ճարտարապետական և հնագիտական հետազոտությանը և նորոգմանը։ 1942—1946 թթ.  
աշխատում է գրականության ինստիտուտում, զբաղվում բանասիրության հարցերով, միա-  
ժամանակ վարում Հայաստանի նորաստեղծ գիտությունների ակադեմիայի հասարակա-  
գիտական բաժանմունքի գիտական քարտուղարի պաշտոնը։

1947 թ. տասը տարի անընդմեջ Մ. Հասրաթյանը ԳԱ պատմության ինստիտուտի աշ-  
խատակից էր և պատմության, հնագիտության հետ կապված բարդ ու կոճոտ շատ պրոբ-

լեմների գիտական մշակման գործուն մասնակիցը 1950 թ. նա մասնակցում էր Գոռնիի հնագիտական արշավախմբի աշխատանքներին, միաժամանակ գլխավորում Զանգեզուրի հնագիտական պեղումները։ Սխիանի շրջանում Մ. Հասրաթյանի կատարած պեղումների շնորհիվ հայտնաբերվեցին արժեքավոր շատ նյութեր։

Մ. Հասրաթյանը 1947-ին ուսումնասիրեց Հայաստանի հնագույն հուշարձաններից մեկը՝ Ծիծեռնավանքի եռանավ բաղնիքի, բացահայտեց դրա առանցքային նշանակություն ունեցող դերը հայ ճարտարապետության ձևատեղծման ընթացքում։ Հայ ճարտարապետության պատմության բնագավառում նրա երկարամյա աշխատանքների արդյունքները արժեքավորվեցին Վ. Հարությունյանի հեղինակակցությամբ 1975 թ. Բելրուսում լույս տեսած «Հայկական հուշարձանները նախապատմական շրջանից մինչև XVII դարը» մեծածավալ հատորում (հայերեն, ֆրանսերեն և անգլերեն լեզուներով)։

Մ. Հասրաթյանը եղել է հայ ժողովրդի պատմության առաջին դասագրքի ստեղծողներից մեկը։ Նրա գործուն մասնակցությամբ կազմված ձեռնարկը լույս տեսավ 1950-ական թթ., հայերեն և ռուսերեն լեզուներով։ Դասագրքում գրվեցին ու լուսարանվեցին հայ ժողովրդի քաղաքական և սոցիալ-տնտեսական պատմության, պերիոդիզացիայի հիմնական շատ թարգմանիկները։ Այդ դասագրքերը հետագայում միջնակարգ և բարձրագույն դպրոցների համար ձեռնարկներ ստեղծելու հիմք դարձավ և մեծապես դուրացրեց այդ գործը։

Լայն ու բազմակողմանի էին Մորուս Հասրաթյանի գիտական հետաքրքրությունները շրջանակները։ Նա իր գրավոր ու բանավոր ելույթներում անգրադաճում, ամենայն խորությամբ քննարկում ու վերլուծում էր Հայաստանի պալեոլիթի դարաշրջանի, հայ ժողովրդի ծագման, հայ աղատագրական պայքարի, հասարակական-քաղաքական մտքի, հնագիտության, ճարտարապետության, բանասիրության պրոբլեմները։ Նա իր մեծ ուսուցիչներ Ն. Մառի, Հ. Օրբելու, Մ. Արեղյանի, Հ. Աճառյանի, Գ. Ղափանցյանի և մյուսների արժանավոր աշակերտն էր, Լրիտասարգ սերնդի հետ նրանց կապող կամուրջը, հայագիտության ավագ սերնդի այդ մեծերի ավանդներն ու պատգամները կրտսերներին փոխանցողներից մեկը։

Մնայուն է Մորուս Հասրաթյանի վաստակը սայաթնովագիտության մեջ։ Շուրջ մեկ դար հետազոտողների ուղադրության կենտրոնում էր գտնվել միայն հայերեն Սայաթ-Նովան։ Հայ ընթերցողն անտեղյակ էր մեծ բանաստեղծից մեզ հասած վրացերեն ու ադրբեջաներեն խաղերից, որոնք իրենց ծավալով ու զրական արժեքով առավել ղուգակշիռ են հայերենին։ Սայաթ-Նովայի հանձարի մեծությամբ հնարավոր էր պատկերացնել միայն նրա եռալեզվյան ժառանգության մեկտեղումով։ Ադրբեջաներեն ու վրացերեն խաղերի հայացման այդ դժվարագույն գործին ձեռնամուխ եղավ Մ. Հասրաթյանը իր բանասիրական լայն պատրաստությամբ ու կուռ տրամաբանությամբ, անհրաժեշտ լեզուների խոր իմացությամբ և բանաստեղծական բնատուր ձիրքով։ Եվ նա այս խնդիրն իրականացրեց փայլուն հաջողությամբ, այնքան հաջողաբար Սայաթ-Նովայի լեզվին և ոճին, որ, ինչպես նշել է Պարույր Սեակը, «վրացերենից ու ադրբեջաներենից կատարած թարգմանությունները նույնիսկ բազմափորձ ընթերցողի մեջ այն պատրանք են ստեղծում, թե դրանք թարգմանություններ չեն, այլ նորահայտ խաղեր»։

Մ. Հասրաթյանը նոր աստիճանի բարձրացրեց սայաթնովագիտությունը նաև մեծ բանաստեղծի ստեղծագործությունների նոր վերլուծություններով ու մեկնաբանություններով։ Գիտաքննական պրպտումներով ու հայտնաբերումներով, վերականգնեց կամ ճշգրտեց բանաստեղծական-տեքստաբանական շատ միավորներ։

Մանկավարժի բնատուր ձիրք ունեցող գիտնականը շուրջ կես դար դասախոսական աշխատանք էր կատարում Երևանի բանֆակում, Պետական համալսարանում, Խ. Աբովյանի անվան հայկական մանկավարժական ինստիտուտում։ Այստեղ նա վարել է հայ ժողովրդի պատմության ամբիոնը, իսկ 1957—1960 թթ. եղել է ինստիտուտի պրոռեկտորը։ Նրա հաղարավոր սաներից շատերը դարձան նշանավոր գիտնականներ ու մանկավարժներ, պետական աչքի ընկնող գործիչներ։

Մ. Հասրաթյանը իր արժանի տեղն ունի նաև թանգարանագիտության մեջ։ 1964—1975 թթ. նա գլխավորեց Հայաստանի մայր թանգարանի՝ պատմության պետական թանգարանի գործունեությունը։ Մեծ սիրով ու գործիմացությամբ կազմակերպեց հայ ժողովրդի դարավոր մշակութի պահպանումը, հսկայական գործ կատարեց նյութական կուլտուրայի գանձերով թանգարանը հարստացնելու ուղղությամբ։

Մ. Հասրաթյանը մեկն էր այն քչերից, որ իր հարուստ դիտելիքները ի սպաս դրեց նաև սփյուռրահայությունը, Բեյրութի Հայկադյան բուհի հրավերով նա 1965—1966 թթ. եղավ Լիբանանում, Բուհյում ու կրթական այլ հաստատություններում դասախոսություններ կարդաց, սատար եղավ հայագիտական բարձր կուրսերի կազմակերպմանն ու երիտասարդ հայագետների պատրաստմանը, հայրենիք-սփյուռք գիտական կապերի ամրապնդմանը, Սփյուռքահայ մամուլը ևրախտիքի ու շնորհակալության բազմաթիվ էջեր է նվիրել նրա գործունեությանը:

Ինչպես նշել է «Նաիրի» թերթը, Մ. Հասրաթյանը այդ տարիների համար մեծ համարձակությամբ միասնություն է հայրենասիրություն էր սերմանում, ասելով՝ «նախ հայ եղբք, Գևորգ Կուսակցական, սիրեցեք ձեր հայրենիքը անկեղծորեն, սիրեցեք ճանաչելով նրա բոլոր գեղեցկությունները և նույնիսկ թերիները: Պայման չէ, որ բոլոր հայերը մեկ կերպ մտածեն, մեկ կաղապարի մեջ ձուլվեն, բայց պայման է, որ բոլորս հայ մնանք, հայ զգանք»:

«Քաջկող հանրագիտարանի» ճանաչում ունեցող Մ. Հասրաթյանին հաճախ կոչում էին Խոտե բրանավոր գիտնական: Նկատի էր առնվում այն հանգամանքը, որ նա իր ամբարած հարուստ դիտելիքները հրապարակայնորեն ու շուրջըրեն ներկայացնում էր սովորող երիտասարդությանն ու գիտական հասարակայնությանը:

Իր բազմամյա գիտամանկավարժական գործունեության ընթացքում Մ. Հասրաթյանը գրել է պատմա-բանասիրական շատ աշխատանքներ, որոնց մի մասն է հրատարակվել 1985 թ. Հայաստանի գիտությունների ակադեմիան լույս ընծայեց «Պատմա-հնագիտական ուսումնասիրություններ» խորագրով ժողովածուն, որը, սակայն, ընդգրկում է Մ. Հասրաթյանի անտիպ գործերի մի մասը միայն:

Բազմակողմանի դիտելիքների, խորաթափանց ու արթուն մտքի տեր, համեստ և ուղղամիտ գիտնական Մորուս Հասրաթյանը իր արժեքավոր ներդրումն ունի հայագիտության մեջ:

ՀԳԱ քոթակից անդամ Վ. Բ. ԲԱՆՈՒԿԱՐՅԱՆ